



SIARAN MEDIA

Lembaga Kemajuan Ikan Malaysia (LKIM)
Wisma LKIM, Jalan Desaria, Pulau Meranti
47120 PUCHONG, SELANGOR

Tel: 03-80649000

PROGRAM MAFI PRIHATIN BERSAMA FRONTLINERS PADA 7 OGOS 2021 (SABTU)

PUTRAJAYA, 7 OGOS 2021: Timbalan Menteri Pertanian dan Industri Makanan II, YB Datuk Che Abdullah Mat Nawi, telah membuat lawatan dan tinjauan mesra menyantuni para petugas barisan hadapan (Frontliners) di Pusat Pemberian Vaksin (PPV) Dewan Seri Seroja disini hari ini.

Turut hadir dalam lawatan dan tinjauan ini, Datuk Badrul Hisham Mohd, Timbalan Ketua Setiausaha Kementerian Pertanian dan Industri Makanan (Pembangunan) dan Encik Kusuadi Sallih, Timbalan Ketua Pengarah (Pembangunan) Lembaga Kemajuan Ikan Malaysia (LKIM).

Dalam tinjauan ini, Datuk Che Abdullah Mat Nawi melawat dan beramah mesra dengan petugas barisan hadapan (Frontliners) dan para pengunjung penerima vaksin yang terdiri daripada penduduk sekitar Putrajaya.

Selain itu, beliau juga turut menyerahkan dan mengagihkan sumbangan bakul makanan dan ikan segar beku QFISH sebanyak 130 bakul makanan dan 260 paket/kilogram ikan segar beku QFISH yang dianggarkan berjumlah RM10,000.00. Penyerahan dan

pengagihan sumbangan bakul makanan dan QFISH ini dikhususkan kepada para petugas barisan hadapan (Frontliners) di PPV ini.

Datuk Che Abdullah Mat Nawi berkata lagi, sumbangan bakul makanan dan bekalan ikan segar QFISH ini disumbangkan oleh Lembaga Kemajuan Ikan Malaysia (LKIM) dengan kerjasama Persatuan Nelayan Kebangsaan (NEKMAT).

“Program ini dilaksanakan bagi menunjukkan keprihatinan dan tanggungjawab sosial korporat Lembaga Kemajuan Ikan Malaysia (LKIM) bersama-sama Persatuan Nelayan dan Agensi dibawah MAFI bagi menghargai jasa dan pengorbanan petugas barisan hadapan dalam memerangi pandemik COVID-19”, katanya.

“Diharap sumbangan yang diberikan sedikit sebanyak dapat mengurangkan bebanan ekonomi dan memberi kemudahan kepada petugas barisan hadapan untuk mendapatkan bekalan makanan dan sumber protein yang secukupnya.”, katanya.

LKIM telah dan akan sentiasa memainkan peranan yang penting dan berkesan sebagai agensi yang dipertanggungjawabkan untuk memperbaiki kedudukan sosio-ekonomi nelayan dengan penumpuan kepada peningkatan pendapatan dan memajukan perusahaan perikanan negara serta memastikan bekalan ikan mencukupi di seluruh negara terutama sewaktu fasa Pelan Pemulihan Negara (PPN) dan dalam masa yang sama membantu dan prihatin kepada rakyat dan kumpulan sasar seperti nelayan dan juga petugas barisan hadapan (Frontliners) dengan menyampaikan bantuan dan sumbangan seperti ikan segar dan ikan segar beku QFISH kepada mereka yang memerlukan dan terjejas. Ini merupakan salah satu tanggungjawab sosial oleh pihak LKIM dan MAFI.

-TAMAT-

Dikeluarkan oleh:

**Unit Komunikasi Korporat
Lembaga Kemajuan Ikan Malaysia (LKIM)
Kementerian Pertanian dan Industri Makanan (MAFI)
7 Ogos 2021.**